

國家圖書館藏

綫裝書局

清代孤本方志選



國家圖書館分館編

清代孤本方志選

(第一輯第十八冊) 江西 增修崇仁縣志「雍正」四卷

坤 修崇仁縣誌序

邑之有志國之有史家之有乘一  
也國史集儒臣走闕下兼琅函玉  
帙充斥于石渠天祿閣故叅稽確  
而文采易昭家乘遡源萃渙倒歐  
傲蘓一賢子孫優為之若夫邑乘  
則官師人物臧否顯晦下同於家

乘之詳盡而山川建置賦役災祥  
種種巨典上同於國史之尊嚴且  
摠其成者一令耳今案牘紛繁必  
藉於一二文士與士之有文而賢  
者也既其實不既其名傳其信不  
傳其疑心如定水而物無遁形焉  
否者識不定則予奪得臣汨其中

力不堅則是非得。呂洵其外畧。巨  
錄細登。枯遺良如是。而脩也不如  
其缺也。存也不如其亾也。膺國史  
家乘之美。而兼有其難。可不慎歟。  
宗仁為撫郡。六屬之望。唐宋呂來  
科名踵繼。理學文章。甲於他邑。如  
巴羅華。蓋名山。踴峙皆臨汝之鎮。

而並隸崇境靈氣蓄洩氤吐神奇  
不佞自乙未奉

簡書來涖是邦入境見山川入廟見

人文入署見圖志輒嘆曰張鹵江

者吾宗哉惟是六十年來記載久

缺更革之後事易淪亡思所臣增

續舊編者因循歲月苒苒三年而

遣官之聞至矣。業舟初艤，前念輒營。與劉君壽祺、陳君蜚英共謀，縮鞭了此公案。二君皆宏才博學，高蹈自善者。諸例未備，則劉君任之；新頒全書，則以陳君任之。每脫一稿，即走奚童示予，增補之而不為僭。其事典重大者，欲叅末議。二君


力爭而不為嫌天地鬼神臨楮墨  
間也閱兩月缺者少補畧者粗備  
惟節孝一例僉論未定姑待焉蓋  
宦轍所至不之  
攸好之心必大

勝於前人知此書之合尖無難也  
故先將已訂者竣厥工其餘有已

屬稿而未登梨棗者及節孝一例  
屬後之君子定馬是役也搜求不  
過一甲子之中增益不出所聞見  
之外論斷悉遵 吳太史原本述  
也非作也不佞與二君亦可臣告  
知罪於通邑也矣

皆

順治十六年歲次己亥仲春之吉  
欽定崇仁縣知縣楚蒲新謝胤璜序



增訂邑誌序

邑乘自沿革與地人物田賦洎  
諸事蹟以為經中間稍撰集文  
辭以為緯百里遠近百世上下  
瞭然如陳諸掌上也是編也成  
於萬曆壬寅吳文恪先生嗣增  
於

本朝順治己亥邑令謝紫山先生  
距今十五稔矣天運旣增人事  
益麗茲者奉尺符將彙成寰宇  
通志謂寶唐屬在下邑簡篇宜  
備用是重加討訂偕司鐸朱君  
東升邑文學劉君壽祺擲字比  
句斟較閱月去其言之不雅馴

興事款之駢贅者一往志慎之  
志亘於四百四十餘篇之中諸  
例大率仍舊唯食貨一志剗  
從新蓋以今日全書視曩編差  
異從而易之監於一王之成憲  
而已唐荆川有言曰國邑有志  
本以經世非以博物苟切於利

器用而阜民生不得因瑣穢略  
之斯言得輕重本末之旨矣余  
竊祿凡五載尺寸凜冰一切踵  
循舊事間者不得已而有營作  
其得已者已之誠不欲煩吾父  
老子弟而希取後世之名獨念  
有司過闕歲青譴告雖蠲租之


令屢下忝為司牧除捐濟之外益  
務痛自刻責以籲蒼冥俾自今  
以始歲其有而里閭咸庶繁豐  
殖也然象數在天脩省在己此  
意誠不可以喻人度非載筆家  
所能稱道後之覽者其或有感  
於斯言

音

康熙十二年七月既望

賜進士文林郎知崇仁縣長興

陳潛序



劉陳四先生靖難序

人生在三之節命於天植於性研窮於學問分之  
所定不以貴賤殊也情之所鍾不以險夷易也古  
之垂竹銘旂常者其豐功偉績非不炳耀千古獨  
是布衣常帶之士籍未通於仕版名不出於里閭  
而至性孤忠徃々於流離板蕩之日扶大義於天  
壤其志彌堅其節彌苦固非徒事激烈者所可同  
日而語也余不敏承乏崇邑見其山川都麗人文  
蔚起相與考理學之芳踪世家之懿蹟流風餘韻